

Z cyklu: felietónowé wiérztë – 6

Minyster pòzwòli zdjimnac
Ach, jakùż mómë dzàkòwac,
Że nie mdze tak straszno, dzywno...
Nót jaczé "hùrra" zawòłac?

Bùla zabité mô chłopa
Czidnął gò rodzëskã w skarniã
Krowa wnetk wëczidła òkò
Cëż sã z bidlãtama stało...?

Jednotë swiãto, maratón
W jãzëkù naszym spiewaniô
W Sopòtach Kaszëbóm za to
Akòrdionowé ba granié...

Dadzą wespółómózkã w dolarach
Dobri z Americzi wùje,
Bë Pòlskò dac miała starã,
Co Ùkrajina brëkùje...

Timczasã zymk blòsknął słuńcã
Nòdzeje nad përdëgónë
Bële le do pòstu kùńca
Zòs mdze miôł chto wdëgòwóné...

Tómk Fópka, Chwaszczëno, 25 strumiannika 2022 rokù, gòdz. 6.54 d.p.